



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Praxis

[urn:nbn:de:hbz:466:1-46004](#)

reducentur; cùm enim evidentissimum sit,
cogitationes nostras ordinariè nasci ex affe-
ctibus, mox ubi hi ad Deum reversi fuerint,
illicò illæ sequentur.

Quod si verò difficulter quis possit distra-
ctionem relinquere, eo quod cum aliqua volu-
ptate illi immoretur, ille generosè semetipsum
superare debet, cogitando: 1. se esse coram
Deo & loqui divinæ Majestati. 2. magnum
esse contemptum, relinquere ipsum ob nugas
& quisquiliis tractandas. 3. si ille tantæ est
erga nos bonitatis, ut ne ad momentum qui-
dem divinos oculos suos à nobis avertat: æ-
quissimum sanè esse, ut nostros quoque ab ipso
minimè avertamus, saltem pro illa hora, quâ
ipsum oramus. Actus istâ ratione formari
poterunt.

Praxis.

1. **Q**uonam feror, mi Deus? anima mea
ubi sumus? Attende nos esse coram
Deo, coram quo Angeli præ reverentia contre-
miscent, & tu illum contemnis?

2. Coram quo & cum quo loquimur? ubi
est honor, reverentia ac sensus Majestatis Dei,
quæ hic præsens est?

3. Vellesne facere, non dico Regi, sed ho-
mini mediocris conditionis, quod fecisti Deo
tuo? Qualis foret irreverentia, illum relin-
quere &, interrupto sermone cæpto, ad servos
ipsius fortè præsentes se convertere, cumque
iis aliis de rebus longè diversis sermones mi-
scere?

4. Quid

*De
atime*

4. Quid igitur anima mea? nunquid ignoras tractandum tibi hic esse de negotiis maximis momenti pro tua perfectione ac salute: hoccine tam parum tibi cordi est, ut etiam contemnas?

5. Age, ad nosmet redeamus. Vide, anima mea, qua ratione tota cœlestis curia præ reverentia coram tanta Majestate se demittat, atque omnes sancti oculos in illam continuò defigant? Quid enim? hoccine quod omnes beatos ita abripit, ut animum tuum contineat satis dignum non est? prô! quantus Dei tui contemptus? quanta tua inconstantia & igavità? In loco tam sancto, in tam sancta societate, coram tanta Majestate, in negotio tanti momenti a ieo facile ac leviter à proposita te abripi finis materia, ut cum tuis cogitationibus ita impertinentibus, vanis atque inutilibus nugeris? Quod si Angelus nobiscum locuturus accederet, vel illum intueri minimè deberemus, quia cum longè majore Angelis agimus, ut quid igitur rebus adeo vilibus atque extravagantibus occupamur?

6. Mi Deus, quantæ mihi confusione est, non posse me ad modicum tempus captivari, ut loquar divinæ Majestati tuæ absque distractione? quam misera est conditio mea? verum noli me etiam modò à divino conspectu tuo, mi Deus, repellere.

7. Heu Domine! tu tanto zelo bonum meum prosequeris, ut mihi orationem ad me illius ope ditandum concederis, & ego illam negligo?

8. Sine

8. Sine intermissione me respicis, Domine,
meis omnibus necessitatibus ut prospicias.
Quod si vel ad momentum tuos à me oculos
deflecteres, protinus in nihilum meum rela-
berer. Quâ ergo ratione fieri potest, ut mei
tantoperè immemor evadam, ut à te cogita-
tiones avertam, neque toto corde meo cum
divina Majestate tua loqui contendam?

9. Ad te revertor, Domine, detestor at-
que improbo cunctas cogitationes istas, quæ
me à te abducunt, protestans illas contra
meam exurgere voluntatem. Dic, Domine,
ut fiat pax in corde meo & ad verbum tuum
fiet.

10. Redeamus ad intentum, anima mea,
atque opus interruptum resumamus, nobis
ipsiſ amplius, quām hactenus factum fuerit,
attendentes. Adjuva me Domine per gratiam
tuam, atque istam mentis evagationem pro pec-
cato mihi ne reputes.

Praxes istæ attente atque ex intimo corde
exercitæ permagno haud carebunt emolu-
mento. Quoties verò distractio recurrerit,
ad eandem similiter prixin recurrentum erit:
Quod si etiam usque adeò illa sit importuna,
ut ne momentum quietis indulgeat, semper
exercitium istud continuandum erit, toties
distractionem repellendo, quoties aditum il-
la tentârit. Tempus eterim huic impensum
certaminis fructu suo minimè carebit, tametsi
etiam toto orationis tempore aliud non face-
res, quam quod adversus distractiones decer-
tares.

Quin

Quin imò fieri poterit, ut hicce conflictus
Deo longè sit acceptior, quām si quis perfectā
potiretur recollectione.

*Distraktionibus obviandi
media.*

UT verò radicis malo obvietur, ipsum-
que eminūs prospiciatur, remedia aliquot
anteriora ad obviandum distraktionibus effi-
caciissima adducemus.

Cassian. Antiqui Patres crediderunt, Religiosum Dei
collat. I. gratiā mediante eosque pertingere posse, ut
c. 8. ab solutē suis cogitationibus dominaretur, sive
per jugem atque indesinentem ad res bonas ac
Quomodo sanctas attentionem, vanarum atque imperti-
fieriqueat, nentium obliviscendo, sive acquirendo habi-
ut cogita- tum sibi ipsi invigilandi adeò firmum, ut
tionibus nostris do- ne unica quidem subeat mentem cogitatio,
minemur, quam statim animus non advertat

Præalta profectò ea perfectio est, quam nisi
post diutinum exercitium polliceri sibi nemo
potest: quoniam tamen id impossibile non est,
illuc contendum erit, nobis præcipue, qui vi
Regulæ ac Professionis nostræ omnibus aliis
Religiosis amplius Deo vacare tenemur.

Eximus quidam veteres nostros inter Ana-
choretas Religiosus plurimis in deserto ex-
ætis annis ab alio interrogatus, quem fructum
ex adeo diutinis solitudinis annis, internisque
exercitiis reportasset, respondit, id ei protunc
fese minimè dicturum, sed solùm post deceim
dies, si tunc ei reverti luberet. Recessit igitur
ille, ac decimo post die reversus ipsum mortu-
um reperit, simulque juxta ipsum responsum
his